

欽定大清會典事例

欽定大清會典事例卷一百六

吏部

一處分例

關稅考叢  
稅義

清查牙行

嚴禁苛索

關稅考叢。康熙八年題准。徵收關稅官欠不及半分者降一級留任。欠半分至一分以上者降一級調用。欠二分以上者降二級調用。欠三分以上者降三級調用。欠四分以上者降四級調用。欠五分以上者革職。其溢額者亦不准加級紀錄。如有降調革職丁憂事故。皆以離任之日起為始。作為分數考叢。至官員所收稅數不行。

親填令伊衙役代填或不給商人紅單者皆罰俸一年。如將部頒稅冊用伊印信填送或將商人親填紅單違例不按季送部者皆罰俸六月。

○十一年題准關差各官差滿回京之日將

敕書批文親繳部科回京日期違原限一月以內免

其糾參違限一月以外照違限例處分。

違限例處分。○十八年定各處關差如有將不應納

照改為照赴任

稅之物額外橫徵差役四出踞津濫稅擾害商  
民者該督撫即行題參若不題參事發照不揭  
報劣員例處分。○又定官員給予旗下人用印

出關執照往別省貿易者降一級調用。二十五年議准海內採捕船如州縣官隱匿一船者罰俸六月隱匿五船至十船者罰俸一年至十五船者降一級留任至二十船者降一級調用至二十五船者降二級調用至三十船者降三級調用隱匿三十船以上者革職仍將所隱匿船計應徵稅銀照數賠補。○五十五年議准各省關差一年差滿缺欠錢糧照例處分外若以缺額題請展限並已展限內額稅仍缺者照溺職例革職所缺銀交該旗勒限著落家產追還。

其任滿回京。於兩月內具呈考覈。如將收稅冊籍。不行交納。不具呈考覈。違例遲誤者。將出差官員暫停升轉。俟考覈具題完日。照常升用。○雍正元年題准。凡出關之人。令該管官吏嚴行盤查。若無用印文票私出。及有文票而數目浮多。情節不符。不行查拏。令其出口者。將看守關口之官弁降一級調用。○十年覆准。附近關口之地方官。將題定現行則例。刊刷小本。頒發各行戶散賣。俾商民人人共曉。每本定價二分。仍委官不時訪查。如各官木樞。有黏貼掩蓋。及書

役苛索等弊。即行詳報上司查叅。

尋增為經管官明如故從

者革職。委查之員。扶同徇隱。不行查報。降二級調用。經管官失於覺察者。照失察衙役犯賊例。

分別設處至地方官刊發則例。如有不詳晰校定。以

致遺漏錯誤。或扶同徇隱。不行嚴察者。一併參

處。屏改為遺漏錯。誤者罰俸三月。○十三年覆准。各省如有設

鑪開採之處。一切採砂鍛鍊人夫。責令山主雇

覓土著良民。協同保鄰戶首。眼同填明實在人

數。並姓名年貌籍貫。經管執事。出具並無隱匿。

姦商匪類甘結。報明該地方官。詳報督撫存案。

不許招集外來人民。致生事端。儻廠內人夫。或

有更換增減。亦如前登填報明。仍飭令該管文武官弁及巡捕各官。勤加稽察。如巡察之官弁兵役人等。有徇縱情弊。該管文武官弁。照漁船舵水人等有越數多帶。及冒名頂替。文武官弁盤查不實例降二級調用。兵役人等。按律治罪。○又覆准產鐵地方。如有殷實良商。販運他省售賣者。令將所買斤數。運銷地方。呈明該地方官。轉詳該督撫。給咨該商。親自齎投。轉飭產鐵地方官。准照咨內採買發運。於該商起程之時。報明地方官。詳請咨明經由各關。及往賣地方。

督撫查明。將印照一例詳請咨銷。仍嚴飭沿江  
沿海各州縣及口岸汎弁。凡遇商船出口務須  
實力稽察。如有違例夾帶。即照本省商人夾帶  
例分別治罪。其無照票私販關津不行查拏。往  
賣地方不行詳報。及各口汎弁疏縱需索。照例  
叅處。其沿海地方並沿江沿河等處。如有將鐵  
遞運私賣事發。失察賣放之文武官弁。皆照出  
洋漁船夾帶釘鐵例。分別失察賣放議處。○乾  
隆十五年題准各關管稅務日期。凡接任徵收  
者。無論兩任三任。均令扣足一年為滿。其管關

一年零數月者。將一年贏餘奏報。零月歸於下屆。統俟扣足一年。再行稟奏。以昭畫一。其各任所徵贏餘。較之成數均屬無虧。及此任徵多。能補彼任短少者。皆毋庸議。儻此任短少。而彼任所餘之數不能抵補者。止將短少之官議處。如各任所徵銀數皆少者。各照例議處。各關監督前任所收稅課。果係實力稽徵。儘收儘解。飭令接任之官。詳細確查。出具並無捏飾印結送部。其已經出結以後。責成接任。不得復將短少緣由。推諉前任。儻接任官查出前任果有徵多報

少侵蝕等弊。即行據實叅奏。如扶同徇隱。並不  
實力詳查。或經部查出。或別經發覺。即將濫行  
具結之官。一併交部議處。○三十年奏准。各關  
於一年任滿時。將銀兩冊檔。即行解部。一面繕  
本具題。即行覈議題覆。如各關徵收有題本已  
到。而銀兩冊檔遲至二十日以後。尚未到部者。  
將管關之員。照違例不按季送部。劄罰俸六月。  
暫停升轉。俟覈議具題完日。照常升用。○又奏  
准。近邊府州縣官員。禁約軍民人等。不准擅自  
入山砍伐。應禁林木販賣。官員有犯者。革職。其

經過關隘河道守把官員。容情縱放者。亦革職。  
今增為失察  
有司休一年。○又奏准。開口抽分木稅除商欠

銀兩。照例行地方官將木植變價抵稅外。若該監督應繳銀兩。總以差滿之日為始。計三千兩以下。定限兩箇月完解。三千兩以上。定限三箇月完解。如逾限不完。工部題參。將該員革職。再勒限三月。行文該旗嚴追解部還項。如限內全完。准其開復。逾限不完。交與該部治罪。○又定潘家桃林古北等處。商人出口砍木。例係該監督請領部票。給發該商。一年限滿。繳舊換新。換

票該商於限票未滿一月之前先行具呈。該監督報明工部扣照限滿日期將新票給發並咨兵部給發關票。該監督於該商舊票期滿即將新票給發。舊票查收繳部儻監督所領新票不俟舊票期滿即行給發者照豫給用印白結例罰俸一年及舊票已經限滿該監督不即查收繳部照部頒稅冊違例不按季送部例罰俸六月如有夾帶影射重複砍木等弊該商照例治罪外將該監督照私行濫給牙帖例降一級調用。今增為知情徇縱者革職○三十三年奏准各處押送官

辦貢品俱令開單行文各關照數查驗。按例稅課如有隱匿夾帶情弊。立即拏究呈報。如各關有玩忽從事。不行實力稽查。或瞻徇情面。准其討關免驗。致有蒙混脫漏者。一被查出。照徇庇例議處。○三十七年奏准。凡出關之人。該管官吏嚴行盤查。若無用印文票私出。及有文票而數目浮多。情節不符。不行查拏。令其出口者。將看守之章京等降一級調用。放出私販人口者革職。受賄縱放者革職治罪。如出關之人有用印文票。而該管官不即驗票放行。稽遲摺勒者。

降二級調用。若夾帶違禁貨物。守口官徇縱令其出口者。按其所帶之物分別治罪。其不由應出之口。越度堵塞邊關者。失察之員罰俸一年。其有吏役需索等弊。該管官照衙役犯贓例議處。至威遠堡等處。如有各處逃遣匪徒等犯。無照而偷越邊門者。將看守邊門之文職降一級調用。稽察沿臺邊柵之武職。罰俸一年。逾過邊柵者。將巡查邊柵之武職降一級調用。看守邊門之文職。罰俸一年。其各處水溝守口官失察。均照例分別察議。○又奏准。山海等關除揆獲

漫鬚漫末細小歪斜珠子及斤兩無多者毋庸  
議敘外。如一年內有搜獲人漫至二十斤珠子  
至四兩者該管官紀錄一次。搜獲人漫至四十  
斤珠子至八兩者該管官紀錄二次。搜獲人漫  
至六十斤珠子至十二兩者該管官紀錄三次。  
搜獲人漫至八十斤珠子至十六兩者該管官  
准其加一級。再有多獲者照數遞加。若有搜查  
不力以致私帶過關者該管官降一級調用。明  
知故縱者該管官革職受贓賣放者計贓以枉  
法論至威遠堡等處搜查不力以致偷過邊門

者。將看守邊門之文職。降三級調用。稽查沿臺  
邊柵之武職。降一級留任。罰俸一年。偷過邊柵  
者。將巡查邊柵之武職。降三級調用。看守邊門  
之文職。降一級留任。罰俸一年。其各處水溝守  
口官失察。均照例分別察議。○又奏准內務府  
包衣下及王貝勒貝子公大臣官員家人領本  
生理。霸占要地關津。不令商民貿易。倚勢欺凌  
者。或旁人及受累之民具告。或科道查出糾參。  
其人若係內務府包衣下人。將該管官革職。宗  
室王以下公以上家人。將其家主交與宗人府

議處。其管理家務官俱革職。係民公侯伯大臣  
官員俱革職。該地方官不行查拏者俱革職。兼  
轄官降一級調用。統轄官罰俸一年。至此等事  
發。差官稽查。若徇隱不據實回報者。亦俱革職。  
至於王以下大臣各官。將銀借貸民人。擅行貿  
易。霸占要地關津。倚強貽累地方民人者。亦照  
此例辦理。內務府包衣下人。及諸王貝勒大臣  
家人所在指稱名色。以網市利。干預詞訟。肆行  
非法。有司不敢犯其鋒。反行財賄。將行賄之官  
革職。其家主若知而使去。係官革職。內務府包

衣王貝勒等家下該管官。若知而使去亦革職。  
王以下宗室以上知而使去交與宗人府議處。

○四十一年奏准。

盛京吉林甯古塔三處辦漫之員送到之漫十成  
之中人漫以六成為度。選至七成者將承辦官  
員等紀錄一次。至八成者紀錄二次。至九成者  
加一級。儻人漫不及六成將承辦官員等罰俸  
六月。五成者罰俸一年。四成者罰俸二年。三成  
者降一級留任。二成者革職留任。○嘉慶五年  
奏准。承放漫票三姓伯都訥阿勒楚喀三處如

較原定額數。短放十張者罰俸六月。短放十五  
張者罰俸一年。短放二十張者降一級留任。短  
放二十五張者革職留任。甯古塔漫票。較原定  
額數短放三十張者罰俸六月。短放六十張者  
罰俸一年。短放九十張者降一級留任。短放一  
百二十張者革職留任。吉林漫票。較原定額數  
短放一百張者罰俸六月。短放二百張者罰俸  
一年。短放三百張者降一級留任。短放四百張  
者革職留任。如承辦官員議處至降級留任者  
將該將軍副都統俱罰俸六月。其

盛京承放漫票。係臨期調割各城。並無限定額數。  
如有短放。其承放之員。毋庸議處。若短放至一  
半以上。將該將軍罰俸六月。○又奏准。差官不  
抽大木而抽小木。查出題參。將該差官照徇情  
例降二級調用。○又奏准。古北口抽分木植。該  
差官以任滿日期。計四箇月內交完。潘家桃林  
抽分木植。以任滿日期。計八箇月內交完。如限  
內不完者。照挖欠銅斤之例。勒限議處。尋根究底。限內不  
職官議以半數在一千兩以下者。限半年完繳。一  
千兩以上至三十兩者。限一年。三十兩以上至

職官議以半數在一千兩以下者。限半年完繳。

職官議以半數在一千兩以下者。限半年完繳。

五千兩者限二年。五千兩以上至一萬兩者限三年。一萬兩以上至二萬兩以內者限四年。均以接到部文之日起限。如仍不依限全完。即行革職。若革職後能於半年內全數完繳。准其開復。○又奏准。差滿交代造冊報部。如有遺漏舛錯之處。將該監督罰俸一年。○十一年。

諭。據吳熊光等奏查明喀哩國來廣貿易情形一摺。喀哩國即俄羅斯國。向例止准在恰克圖地方通市貿易。本有一定界限。今該國商船駛至粵東。懇請赴關卸貨。自應照例駁回。乃延豐擅准進浦卸貨。實屬冒

昧且該國商船於十月初八十七等日先後進口。延  
豐於二十九日始行具奏。又於咨商總督後並不候  
那彥成回咨。輒以意見相同之語。捏詞入告。其咨甚  
重。前經降旨將延豐降為七品筆帖式。尚不足以示  
懲。延豐著即革職。仍令在萬年吉地工程處效力行  
走。接任監督阿克當阿。因延豐已准該夷商起卸一  
船貨物。亦即不候那彥成移知。率准後船進浦卸載。  
吳熊光孫玉庭未經詳查明確。遽准開船回國。均屬  
辦理未協。不能無咎。吳熊光孫玉庭阿克當阿均著  
交部議處。嗣後遇有該國商船來廣貿易者。惟當嚴

行駁回。毋得擅准起卸貨物。以昭定制。○十五年議定。秧漫之弊。應責成該將軍副都統並奉天府尹。令該地方文武官弁。不時嚴密稽查。具結呈報。後將軍副都統府尹文武官弁分投往查。如有偷種等弊。即將各該地方官實降三級調用。知情縱容者革職治罪。稽查之員未經查出。與失察之地方官一體降調。如有贍徇容隱等情。並參革治罪。種漫之人照例辦理。該將軍副都統府尹自行查出。免其處分。僅被別人告發。降三級留任。官漫到局後。先令局員認看。僅有秧

漫撓雜係何界何人所交。即將該地方官稟明將軍等參處。稽查官亦如之。種漫之人照例治罪。將軍副都統府尹及

欽派侍郎降三級調用。○又議定偷漏私漫多由海口前往山東登州府銷售。應令該將軍會同府尹每年遴派委員輪往查拏。並責成該地方官於商賈上船之時。查驗蹤迹。留心盤詰。如在登州海口盤獲私漫。訊明由奉天何處海口上船。即將巡查官並該地方官一併參處。○又議定承領漫票官設攬頭。先令局員同地方官出具

切實保結。其素行詭謠之人。不准濫保。如所保之人承攬後。有隱漏逃逸情事。將該攬頭治罪。並將原保官議處。今照濫給牙帖劄降一級調用。○又奏准承

放漫票官員。果能實心經理。一年限內足額並無短少者。紀錄二次。至次年又能足額者。加一級。若次年後能連年足額者。即每年給予加一級。○又

**諭**。每年奉天巡查海口。僅由將軍府尹派員前往。恐仍不免疏漏。著將軍奏明。請派盛京侍郎一員。帶領協領一二員前往緝查。如拏獲私盜。即著該侍郎具奏。

將漫斤解京。並將該侍郎及協領等一併議敘。其山東海口專令登州總兵巡緝。亦尚未周。著添派登萊青道會同稽查。如拏獲私漫上岸。即報明山東巡撫具奏。漫斤解京。將該鎮道議敘。並將派查盛京侍郎協領等官。一併議處。○十六年奏准。民人出口偷窺黃芪。除有拒捕奪犯等重情。將地方官仍照向例懲處外。如聚衆窺芪未及十人。並十人以上。因積黃芪十斤。及五十斤以上。罪應杖枷者。失察之地方官罰俸六月。人數在五十人以上。因積黃芪在百斤以上。罪應擬徒者。失察之地方

官罰俸一年奉

旨。刑部奏酌定偷窺黃芪人犯罪名一摺。著依議行。黃  
芪為藥植所需。附近貧民零星窺賣。在所不禁。若至  
聚集多人。並倚衆拒捕。則必應按律治罪。現將偷窺  
黃芪明定科條。稽察嚴密。小民自不敢干犯禁令。但  
近年口外游民衆多。伊等本係無業之徒。趨利若驚。  
邊外所產如鉛斤木植。不一而足。設姦民等舍此趨  
彼。聚集既衆。必仍滋事端。若逐案增定條例。亦屬煩  
瑣。此事總在沿邊關隘。於無業游民出口時。認真查  
禁。為正本清源之道。出口之民既少。自不致羣相糾。

集。幸利逞兇。從前所定守口文武員弁處分較輕。率多視為具文。以致關禁廢弛。著吏兵二部會同叢議。將守口官弁賄縱及失察無票民人出口處分酌改加重。庶該員等自顧考成。實力稽察。不致仍前懈玩。

欽此遵

旨議准。凡邊關隘口。嚴行盤查。如民人出入。並無用印文票。及雖有文票而人數浮多。該管官失察偷度一二名者。降一級留任。三四名者。降一級調用。若失察販賣人口之案者。革職受賄故縱者。革職治罪。如失察盜犯逃犯偷度邊口。一名降

一級留任。二名降一級調用。三名以上降二級調用。五名以上降三級調用。十名以上革職。若夾帶違禁貨物。守口官徇縱放出。按其所帶之物分別治罪。失察者亦分別議處。至威遠堡鳳凰城法庫等處。邊門係文職看守。以武職為兼管官。邊柵係武職巡查。以文職為兼管官。如有失察賄縱情事。其專管官應降級留任者。兼管官罰俸一年。專管官應降級調用者。兼管官降一級留任。專管官應革職者。兼管官降三級留任。其各處水溝守口官亦分別專管兼管。悉照

前例叢議。至偷度之人。並未經由門柵。係越度  
堵塞邊關者。將失察之專管官罰俸一年。係由  
邊牆坍塌處所爬越者免議。○又奏准。凡車輛  
裝運人貨出口回空時。亦每車給予印票。該管  
官查驗人數相符。方准放其進口。儻不行稽查。  
以致夾帶私逃兵役入口。將專管官罰俸一年。  
如驗無夾帶私逃情弊。而藉端勒索者。該管官  
革職。兼轄官降二級調用。該管官藉端留難者。  
降二級調用。兼轄官降一級調用。○十七年

諭據百齡奏請令關稅監督派委所屬筆帖式司庫等

官分司查報等語。各關口征收稅課例有分設口岸。  
該監督等向來止派家人長隨前往分駐率同書役  
徵收。其中實難免串通隱漏以多報少等弊。近年稅  
課短少。未必不由於此。該省管理關務之江甯蘇州  
兩織造及淮閩監督衙門各有額設司庫庫使及筆  
帖式等官。該員等品秩雖微。究係職官。以之分辨公  
務較為得力。嗣後該監督各於所屬內揀員分派所  
司稅口。督同書役家丁驗貨納稅。逐日登記報查。如  
書役家丁作弊。該員即詳明監督懲辦。儻該員等通  
同作弊。經該監督查出。據實叅奏重懲。設遇錢糧短

紳除監督照例罰賠外。並將該委員一併議處。以嚴  
稽覈而昭責成。○又議准徵收關稅贏餘銀兩。短少  
不及一分者免議。一分以上者罰俸一年。二分  
以上者罰俸二年。三分以上者降一級留任。四  
分以上者降一級調用。五分以上者降二級調  
用。兩著各為缺額銀兩。今增為缺額銀兩。○道光十年奉

旨。前因各省關稅每多徵不足額。降旨令戶部會同內  
務府分別功過。妥議章程具奏。茲據查明各關稅課  
有歷來有贏無缺。及從前間有短絀。近年尚能足額。  
及歷屆均屬虧短者。請將應徵贏餘銀數。以六成作

為額內。以四成作為額外。叢具溢額糾額。分別功過。  
著照所請。除歷條有贏無糾。各關毋庸置議外。其歷  
年缺額及閏有缺額各關。各按應徵贏餘銀數。以六  
成作為額內贏餘。遇有短少。著落賠繳。仍按額內贏  
餘短收分數。照舊例議處。以四成作為額外贏餘。遇  
有短少。著落賠繳。免其處分。如應徵贏餘足額之外。  
復有溢收。亦按其分數照新定章程給予議敘。以昭  
平允。至各關虧短之由。固云今昔情形不同。然姦商  
之偷漏繞越。丁役之賣放侵吞。在所不免。該監督等  
務當嚴加約束。認真查察。毋任仍前弊混。並著各該

省督撫隨時密為查訪。如有前項情弊。據實嚴叅懲  
辦。毋稍徇隱。再歷年缺額及閒有缺額各關。著該督  
撫就近詳細查明具奏。叢實辦理。○十一年

諭。前因各關監督徵收稅課。累年虧缺銀兩。降旨嚴定  
章程。不准於回旗後呈請繳銀扣俸。均令依限完納。  
限滿不完。革職監追。如監追後仍延宕不交。即著永  
遠監追。茲閏戶部單開嘉慶道光年間游墅淮安兩  
關。歷任監督徵收數目。雖間有奏報多收。甚屬寥寥。  
而虧缺者甚多。似此任意短少。年復一年。伊于胡底。

湖直嘉慶四年。

欽定滸墅關贏餘銀二十三萬五千兩。嗣於嘉慶九年。  
加增銀一萬五千兩。共銀二十五萬兩。淮安關贏餘  
銀十一萬一千兩。嘉慶九年。加增銀二萬兩。共銀十  
三萬一千兩。今朕酌量裁減。著將滸墅關贏餘銀減  
去二萬兩。每年徵收銀二十三萬兩。淮安關贏餘銀  
減去二萬一千兩。每年徵收銀十一萬兩。自此次裁  
減之後。不特將嘉慶九年加增之數全行減去。並較  
嘉慶四年原定之數格外減少。該監督等各宜感激  
朕恩。共發天良。認真徵收。總期於新定數目。有贏無  
虧。方為不負委任。儻或仍前玩視。以致額外虧缺。必

將該監督等照前定章程分別革職監追及永遠監追嚴行懲辦決不稍有寬貸。懔之慎之。○又

諭戶部奏酌議閩稅賠繳限期以清課額一摺各關監

督徵收稅課果能潔己奉公何至累年虧缺贏餘銀兩動逾數萬。前經降旨酌減滸墅淮安二關稅額該員等尤當激發天良。覈實辦理。茲據戶部奏稱各關徵收之員任滿時儻有以多報少或於虧缺之數以少報多即與侵蝕倉庫錢糧無異著責成各該督撫於該監督任滿時就近詳加查訪如有此等情弊立即嚴參革職送部監追照例治罪。儻該督撫徇隱不

奏。或經朕密查。或有人參奏。別經發覺。惟該督撫是問。至賠繳短徵關稅銀兩。嗣後除三百兩以下定限半年。三百兩以上定限一年。仍照承追例限辦理外。其銀數自一千兩至五十兩者。予限二年。五千兩以上至二萬兩者。予限三年。二萬兩以上至五萬兩者。予限六年。五萬兩以上至十萬兩者。予限八年。十萬兩以上亦予限八年。至一任而兩任三任各有虧缺。如准其接續完交。限期未免過寬。著統計前後所虧銀數之多寡。均照此次所定限期辦理。經此次酌定期限之後。該監督當共知儆惕。認真經理。不得任意。

虧缺致干嚴辦除游墅淮安龍江西新九江南新北  
新等關五處照此限期辦理其餘京外各關及嘉慶  
四年贏餘定額之夔關等處如有虧缺關稅之員均  
於關滿奏報及題咨到部之日起各按銀數多寡分  
別限期久暫以歸畫一並著該部纂入則例永遠遵  
行○又議准各關徵收循環稅簿俱令按限赴戶部  
請領如有遲延照事件遲延例議處○十二年  
議准關稅正額銀兩一年限滿該監督欠不及  
半分者降二級調用欠半分至一分以上者降  
三級調用欠二分以上者降四級調用三分以

上者降五級調用。次四分以上者革職。缺額銀兩著落追賠。○又議准各關監督於著落追賠之後能於年限內將缺額銀兩全完者准其呈報該管衙門咨部覈實。將從前所得處分即予開復。○又議准各關監督徵收贏餘銀兩除足額不及一分者毋庸置議外。其溢收一分以上者紀錄一次。二分以上者紀錄二次。三分以上者紀錄三次。四分以上者加一級。五分以上者加二級。此外再多餘儘收儘解。均作五分以上計算。儻有徵多報少別經發覺照監守自盜。

律治罪。十四年議准各關一年期滿各關以

十二箇月

以月為期。崇文門遇間題報考覈其所收稅銀按

以十三箇月為期。限批解。殺虎口。按四年於季滿後三箇月內起解。

解濟寧。九江。揚州。淮安。蕪湖。西湖等關。按兩嘉  
於季滿後三箇月內起解。坐糧廳。山海關。張家  
口。賴關。閩海。太平。江海。浙海。臨清。天津。鳳陽。北  
新等關。歸化城。多倫諾爾。按一年滿後限三箇月  
內起解。崇文門。左翼。右翼。按四喜於季滿後一箇月內起解。如有逾限不解。

月內起解。崇文門。左翼。右翼。按四喜於季滿後一箇月內起解。如有逾限不解。  
者將管關之將軍巡撫監督照各省正項錢糧  
解部遲延例議處其商人親填冊檔均於題報  
任滿時起解以科鈔到部日起限二十日解到。  
如有逾限將管關之員罰俸六箇月至崇文門。

左翼右翼張家口山海關收稅冊檔限任滿後  
三箇月內送部考覈○又議准山海關張家口  
殺虎口左翼右翼等五處各監督差滿徵收應  
交贏餘銀兩係廣儲司造辦處

圓明園兌收應用自奉

旨之日起予限一月全數交清儻逾限不樂由內務  
府據實叅奏懲辦再勒限二十日如再不完奏  
請革職送部監追○二十八年奏准應交漫斤  
變價銀兩如有限滿未完由內務府按其未完  
分數查叅照關稅贏餘銀兩未完例議處欠不

及一分者免議。一分以上罰俸一年。二分以上罰俸二年。三分以上降一級留任。四分以上降一級調用。五分以上降二級調用。其分年交代之項。如有未完。照關稅贏餘銀兩未完例酌減議處。欠不及一分者免議。一分以上罰俸六月。二分以上罰俸一年。三分以上罰俸二年。四分以上降一級留任。五分以上降一級調用。其應領漫斤。以各該處應領之日起。按限具文請領。如有逾限未領。將承領之員降一級留任。勒限飭令趕領。如再未領。即照所降之級調用。○又

議准吉林甯古塔伯都訥阿勒楚喀三姓地方並

盛京所屬之遼陽錦州甯遠金州復州岫巖廳義州開原

興京鳳凰城牛莊廣甯鐵嶺蓋州承德等十五城散放漫票均作十分叢計。承辦官短放不及一分者罰俸六月。一分以上罰俸一年。二分以上降一級留任。三分以上降二級留任。四分以上降三級留任。五分以上實降一級調用。若該管之將軍副都統等不行查催致各城有短放三

分以上者罰俸六月。四分以上者罰俸一年。五分以上者降一級留任。○二十九年議准尋蹤章京見有偷刨人漫人蹤迹不即追拏明知故縱者革職其

興京等處門吏筆帖式見有偷刨之人俱應追拏送部如力不能拏即應告知尋蹤章京追緝若知而放出或見蹤不追又不轉告者將門吏筆帖式斥革至奉票採取官漫松子蜂蜜之人於額外多帶人夫該門吏筆帖式等知而放出不即追拏者亦照此例斥革○又議准奴僕偷刨

人漫係由其主差去。或知情而巧供不知者。係官俱革職。○又議准。楚省商販在本地產鐵處所。收買轉運者。令該商於收足後。將鐵斤包綑數目。販賣地方。逐一呈明地方官。查驗詳明。給予印照。仍移知發賣處所之地方官。俟該商到彼。驗明鐵照相符。將印照送回原發衙門銷號。其兩湖口岸。湖南令管理辰關之辰州府知府稽查。湖北令管理廠務之武昌府同知稽查。漢口令分駐之漢陽府同知稽查。凡沿途經過關口。令分駐之漢陽府同知稽查。凡沿途經過關口。照例抽取驗照點鐵鈐戳放行。如有夾

帶私鐵。經別處盤出。將失察。經由之文武員弁降二級調用。徇私故縱者革職。至稽查官弁。如有勒捐留難者。降二級調用。係兵役藉端索詐。將該管文武各官分別知情失察。照衙役犯贓例議處。○又議准。外夷商船通市貿易。應於何處停泊。均有一定界限。其或乘風駛進。不及於定界地方泊船。輒請在內地起卸貨物。該省督撫及該關監督。不即駁令退回原界。準其進關起卸。並聽其開船回國者。俱照不應重杖八十公罪律降二級留任。○咸豐十年奏准。各關

監督短缺正餘額稅處分。如有軍功及錢糧全  
完議敘加級紀錄者。准其抵銷。並恭逢  
恩詔加級。亦准其查抵。別項加級紀錄。不准抵銷。  
又議准各關監督於未滿年限之先。遇有升調  
降革丁憂病故等事。俱以離任之日為止。按其  
在任月日多少作為分數考成。

清查牙行。○康熙二十五年議准各處牙行領  
帖開張。照五年編審例。清查換照。若有光棍頂  
冒朋充。巧立名色。霸開總行。逼勒商人不許別  
投。挖欠客本久占累商者。該地方官不時嚴行

查拏照律治罪。如地方官有意徇縱者降二級  
調用。如有受財故縱者計職以枉法論。尋增為  
本審者罰一年。○又議准牙行經紀除稅課內應立牙

行者准設立外其姦宄之輩捏稱牙行於良民  
買賣濫行索詐者在外責成州縣官在京責成  
順天府尹通判大宛二縣五城兵馬司不時嚴  
行查拏照例治罪。如該管地方官不行嚴拏仍  
留積年姦匪以致累民將失於覺察之人罰俸  
一年。有意徇縱者降二級調用。受財故縱者計  
職以枉法論。○雍正十二年議准各省牙帖悉

由藩司鈐蓋印信頒發。不許州縣濫給。滋弊。儻各省州縣仍有私行濫給牙帖者。該督撫題參。照地方官妄用印信例降一級調用。○十三年。覆准民閒開設鋪面。聽民間便益。不得私分地界。不令旁人附近開張。更不得以本身無力開設。將地界議價若干。然後允其所項。至酒坊賣酒。應聽雇車載運。毋許車戶設立車牌。開寫姓名。認定一店。不令別人攬運。惟估衣行給有牙帖。每年納有牙稅。應聽其安分營生。仍照五年編審例清查換帖。毋許無藉之徒。往來市上。借

名影射。左右觀望。覩覩分肥。至於鋪行一切什物。皆係本商自置。儻本身無力開設。而所置什物。復不許售與承頂之人。則本錢不免虧折。似屬未便。除地界之外。此項不在禁內。又如無藉之徒。違禁把擄。仍犯前項情弊者。即將該犯照例治罪。仍令地方該管各官。嚴飭捕役人等。不時稽察。如番役人等。不行查拏者。按例治罪。該管地方官奉行不力者。照失於查叅例罰俸一年。有意徇縱者。照徇情例降二級調用。受財故縱者。計贓從重以枉法論。○乾隆二年覆准。大

小衙門。凡公私所需貨物。務照市價公平交易。  
不得充用牙行。縱役私取。即辦官差。必須秉公  
提取。毋許藉端需索。作踐良民。如有不肖官役。  
陽奉陰違。或被地方告發。或被上司查出。參劾。  
該管官如係縱役私取。將該管官照縱役犯贓  
例革職。如係失於覺察。照失察衙役犯贓例分  
別議處。專增為自行科取行戶貨物者。革職提問。○又覆准直隸山  
東河南山西陝西等處富商巨賈。廣收小麥。肆  
行躉麪。大開燒鍋者。嚴行禁止。其失察之地方  
官。每一案降一級留任。失察至三案者。降三級

調用。○三年奏准。民間製麴自用。為數無多者。  
仍免查禁外。如有廣為收麥。開坊釀麴。牙行經  
紀。車戶。船家代為交易。運送關津隘口。一例查  
拏。隱漏出境者。經過失察之地方官。每一案罰  
俸六月。○九年覆准。地方官濫給牙帖。該管上  
司失於覺察者。將知府照失於覺察例罰俸一  
年。○十四年覆准。失察製造紅麴紅糟。船裝興  
販。與失察釀麴事同一例。所有失察之地方官。  
比照失察釀麴之例。察議。尋增為條。有賄縱情  
問。○二十三年覆准。各省地方。遇有客商控追

牙行侵欠之案。令經理之員。按月冊報道員稽  
查。逾限不結者。聽道員按冊提比。如經理之員。  
怠忽從事。挖延累商者。該道據實揭報詳參。照  
事件遲延例議處。有意徇縱者。照徇情例降二  
級調用。受財故縱者。計贓以枉法論。○三十年  
奏准。各省牙帖悉由布政使鈐蓋印信頒發。今  
為奉天牙帖係旗員徵收者由盛京  
戶部頒發係民員徵收者由府尹頒發  
地方官務將為人誠實家有產業者取具保鄰甘結。方  
准給帖承充。其素行無賴毫無產業者。不許濫  
給。仍將承充牙行經紀姓名。按季造冊申送布

政使存案。地方官查察不實。濫給牙帖。以致吞  
騙客本。降一級調用。如不用布政使頒發牙帖。  
自己用印私給者。照地方官妄用印信例降一  
級調用。該管上司不將私給牙帖查叅者。知府  
罰俸一年。布政使道員罰俸六月。○又奏准衿  
監胥役更名捏姓認充牙行。該地方官查實。即  
行追帖勒令歇業。並將衿監胥役充補牙行之  
處永行嚴禁。儻不肖衿監不法胥役仍有認充  
牙行。該管上司查叅。將該地方官照違禁把持  
失於查察例罰俸一年。有意徇縱者。照徇情例

降二級調用。受財故縱者。計贓以枉法論。○又奏准奉委查麌各官。有能拏獲別邑開坊躉麌。數至三百斤以上之案者。每一案紀錄一次。拏獲數多者。以次遞加。○五十四年

諭據姜晟奏審擬山西監生常懷恆控告宣化縣知縣王秉正賒欠布銀不還一案。將王秉正問擬杖罪納贖。已批令該部議奏矣。此案王秉正雖訊無因常懷恆催討布價挾恨故出情事。但賒取布帳不即清還。以致常懷恆藉詞控告。自有應得之罪。外省大小衙門。所有需用零星食物。不能不就近取買。至布疋一

項。尚非飲食可比。若在本境店鋪任意賒取。必至紬緞貨物。亦一概取之。若寄胥役等乘機滋擾。甚至短發價值。勢所必有。殊非整飭官方之道。嗣後各省府州縣等衙門除菜蔬油醬食物。准其於本地方照市價平買外。其餘需用布疋紬緞一切貨物等項。或由本籍攜帶。或在鄰境買用。毋得於管轄地方濫行賒買。致啟勒索捐價之端。該管上司仍行隨時稽察。如有仍在本境賒欠等弊。即行嚴叅究治。著為令。○嘉慶五年奏准。各省府州縣等衙門菜蔬油醬食物。准其於本地方照市價平買外。其布疋紬緞

一切貨物。或在本籍攜帶。或在鄰境買用。如有  
在本境買用者。照遠令私罪律罰俸一年。有指  
價賒欠等弊。即照向牙行私取例議處。○八年

諭。大學士會同吏部議覆御史賈允升條奏嚴禁官價  
一欽。各衙門需用鋪戶貨物。自應各照市價平買。安  
得輒立官價名目。向鋪戶等紛紛科取物件。倚勢病  
民。嗣後著將官價之名。永遠革除。違者照例懲處不  
貸。○道光二年奏准。西山一帶開採煤窯。令宛平縣  
縣丞移禁門頭村彈壓。凡赴窯工作之人。先由  
窯戶等報明姓名籍貫。造冊稽查。並嚴禁連夏

鍋火水工鍋火惡習。如查禁不嚴。將該縣丞照  
地方官失察牙行巧立名目霸開總行例。加等  
議以罰俸二年。其鍋火內遇有毆斃人命。即申  
報。寃平縣驗勘。如失於查察。將該縣丞照地方  
官於殺死人命不知情不行申報例。加等議以  
降二級留任。其或窯戶等將病斃之人私行埋  
棄。該縣丞失於查出者。罰俸一年。儻有受賄縱  
容。任令違禁開設私埋匿報及以毆斃之案捏  
稱病斃之人者。即將該縣丞革職。至該縣丞於  
抵任之後。果能約束衆窯安靜守法。三年期滿。

由順天府府尹會同直隸總督保舉題升。若有不能稱職及始勤終惰者。該府尹即隨時分別劾參。以昭懲勸。○又議准各省牙行。如有頂冒朋充等弊。仍應隨時禁革。地方官失於查拏。罰俸一年。有意徇縱者。降二級調用。受財故縱者。計贓以枉法論。○又議准閩省造酒之家用米為楷為麯。如有多為製造。船裝販運者。將地方官及關口員弁。均照前例議處。儻有賄縱情弊。革職提問。○又議准臺灣地方。如有開設小典質押零星衣物。重利盤剥貧民。地方官任聽開

設者降一級調用。失察者降一級留任。

嚴禁苛索稅羨。雍正十三年十月

諭朕聞各省地方於關稅雜稅外更有落地稅之名。凡  
擾鋤箕帚薪炭魚蝦蔬果之屬其價無幾必察明上  
稅方許交易且販自東市既已納課貨於西市又復  
重徵至於鄰村僻遠之地有司耳目所不及或差胥  
役徵收或令牙行總繳其交官者甚微不過飽姦民  
猾吏之私橐而細民已重受其擾矣著通行內外各  
省凡市集落地稅其在府州縣城內人煙湊集貿易  
衆多且官員易於稽察者照舊徵收但不許額外苛

察亦不許重複徵收。若在鄉鎮村落。則全行禁革。不許貪官汙吏。假設名色。巧取一文。著該督撫將裁革禁約之處。詳造細冊報部查覈。儻奉旨之後。仍有不實心奉行。暗藏弊竇者。朕必將有司從重治罪。該督撫並加嚴譴。此旨可令各省刊刻頒布。務令遠鄉僻壤之民共知之。○又議准。各省稅項。及民間置買產業。不得苛索擾累多收。如有前項情弊。該督撫指名題參。將違禁多取之人。革職治罪。尋增為該上司員外郎。分別議處。照不獨報○又議准。直省徵收落地稅銀。在鄉鎮村落者。全行禁革。不得假借名色。

巧取一文違者革職治罪

欽定大清會典事例卷一百七

吏部

處分例 徵收地丁錢糧

徵收地丁錢糧。順治十三年題准各州縣開徵。豫頒由單。定於十一月初一日頒發至報部之期。直隸限十二月內到部。山東山西河南限正月內到部。江南浙江限二月半到部。江西湖廣陝西限二月內到部。福建廣東限三月半到部。四川廣西限三月內到部。如州縣官申報遲一月者罰俸三月。兩月者罰俸六月。三月者罰

俸一年。四五月者降一級。六七月者降二級。八月以上者降三級。皆調用。司道府等官申報遲一月者罰俸一月。兩月者罰俸兩月。三月者罰俸三月。四五月者罰俸六月。六七月者降俸一級。戴罪督催。遲八月以上者降一級調用。○康熙二年題准地丁錢糧初參經徵州縣官。欠不及一分者。停其升轉。罰俸一年。欠一分者降職一級。二分者降職二級。三分者降職三級。四分者降職四級。皆令戴罪催徵。欠五分以上者革職。今增為直隸州知州經徵本州錢糧初參亦照此例處分布政使。知府。經

管錢糧道員直隸州知州欠不及一分者停其升轉罰俸半年。欠一分者罰俸一年。二分者降職一級。三分者降職二級。四分者降職三級。五分者降職四級。皆令戴罪督催。欠六分以上者革職。巡撫欠不及一分者停其升轉罰俸三月。欠一分者罰俸一年。二分者降俸二級。三分者降職一級。四分者降職二級。五分者降職三級。六分者降職四級。皆令戴罪督催。欠七分以上者革職。今增為直隸四川總督兼管甘肅巡撫之缺。甘總督順天奉天府君督催未免俱照巡撫。○又題准地丁錢糧被參後。催徵時

州縣官限一年。布政使道府直隸州知州限一年半。巡撫限二年。其年限內不完不復作分數。照原叅分數處分。州縣官原欠不及一分年限內不全完者降一級留任。再限一年催徵。如又不能完。即照所降一級調用。原欠一分年限內不全完者降三級調用。如果能催徵完至八九釐者降三級留任。再限一年催完。如仍不全完降三級調用。原欠二分限內不全完者降四級調用。原欠三分限內不全完者降五級調用。原欠四分以上限內不全完者革職。○四年題准。

凡限滿未完錢糧大小各官如遇

恩赦將

赦前月日扣除以

赦後月日算起至限滿續參時註明

赦前

赦後分數具題如初參欠四分者如

赦前二分

赦後二分年限內將

赦前所欠二分已經全完止照

赦後未完二分處分如年限內將

赦前所欠二分未經全完仍合

赦前

赦後分數一併處分如初參四分皆在

赦前年限內未經全完仍照初參分數例處分○又

題准州縣官經徵一應起運本年錢糧五萬兩  
以下一年內全完者紀錄一次五萬兩以上十  
萬兩以下一年內全完者紀錄二次十萬兩以  
上一年內全完者紀錄三次督催知府直隸州  
知州及經管錢糧道員十萬兩以下一年內全  
完者紀錄一次十萬兩以上二十萬兩以下一

年內全完者紀錄二次二十萬兩以上。年內全完者紀錄三次。督催布政使五十萬兩以下一年內全完者紀錄一次五十萬兩以上一百萬兩以下。一年內全完者紀錄二次一百萬兩以上。一年內全完者加職一級。其監屯同知通判。督催衛所屯糧全完照督催知府例議敘。經歷經徵衛所屯糧全完照經徵州縣官例議敘。如地丁糧銀已完而本色顏料並一應起解雜項等銀未完者不准議敘。至經徵州縣官將未完之錢糧捏稱全完轉報或一年內二三官徵

完之錢糧。捏為一官徵完申報者。州縣官革職。  
司道府官各降二級調用。巡撫降一級調用。今  
為該上司失於查覈。府州降二級調用。司道降一級調用。巡撫降一級留任。

如州縣官申報未完。司道府作完申報者。司道府革職。  
州縣官免議。如司道府申報未完。巡撫作完題  
報者。巡撫革職。司道府免議。如起解錢糧。並未  
起解。或庫內無銀。申報有銀者。各降二級調用。  
巡撫罰俸一年。如一應批迴未領稱為已領。未  
發稱為已發者。各罰俸一年。○五年覆准。州縣  
官帶徵節年挖欠錢糧。二年内全完一萬兩以

上者紀錄一次。二萬兩以上者。不論俸滿升轉。  
其知府直隸州知州。經營錢糧道員。帶徵錢糧  
二萬兩以上者。紀錄一次。四萬兩以上者。紀錄  
二次。六萬兩以上者。不論俸滿升轉。布政使帶  
徵全完十萬兩以上者。紀錄一次。二十萬兩以  
上者。紀錄二次。三十萬兩以上者。不論俸滿升  
轉。如帶徵錢糧全完。而經徵錢糧不完。仍不准  
議敘。○六年議准。凡限滿未完錢糧各官限內

又經遇

赦者扣除

赦前月日止以

赦後計算年限滿日查明題參照例處分○又題准直隸州知州經徵本州錢糧。參後未完照州縣官限一年例處分。其直隸州督催之各州縣錢糧。參後未完照府限一年半例處分○十年覆准署印官一年內錢糧全完者亦照例議敘今增未完者亦照正官例議處署印不及一月免議○十二年題准州縣官員如將已徵錢糧作為民欠或挪用謊稱民欠者。該州縣官革職拏問今增為或不即完解差遇。卑賤卑微革職拏問司道府等官明知蒙隱不災緩未完款內串通請免者俱革職拏問

報者革職。如申報督撫不行題參者。該督撫降五級調用。今增為失於覺察者。府州降一級調用。司道降一級留任。督撫罰俸一年。

○又題准。凡挖欠在民錢糧革職降級官員。未經離任之先。如能將挖欠錢糧全完者。准其開復。○又覆准巡撫布政使經營錢糧道府直隸州知州原欠不及一分者。限內不全完。降一級戴罪督催。再限內不全完。降二級戴罪督催。三限內仍不全完者。降三級調用。其餘皆照州縣例處分。衛所官員原欠不及一分錢糧。再限內不全完者。降一級戴罪督催。三限內仍不全完

者降一級調用。○十四年題准。凡接徵接催官員。以到任之日為始。接徵衛所官員限一年。接催布政使道府直隸州知州限年半。接催巡撫限二年。催完如不能完題參之日。照現在未完分數。以初條例處分。至於巡撫等官被參催徵錢糧時。年限已滿逾期。該撫不將自欠原參分數。並布政使等官分數查參者。查出照原參分數加倍治罪。○又題准官員將侵糧抗糧人犯捏報逃亡者。降一級調用。該管官罰俸一年。如並不起解侵欺抗糧人犯者。亦照此例處分。如

不行速解遲誤者罰俸一年該管官罰俸六月  
○十五年題准有司未完錢糧。參後續解全完  
者各該經管衙門一面給予批收一面詳報該  
撫題請開復如已經申呈抑勒不詳及遲延不  
報或不應開復之官申詳開復者皆罰俸一年  
巡撫罰俸六月或已經開復之官重題開復及  
不列續完各官職名者皆罰俸六月○十八年  
覆淮州縣等官私加火耗及私派加徵者革職  
拏問其司道府官隱匿不報者亦革職拏問若  
申報督撫不行題參將督撫亦革職今增為如  
上司不

知情者照不揭報  
考員例分別議處

至官員有加派貪婪之處被

旁人首告經司道府官審出者其審出之司道府官所有未經首告之先不行查出之處免其議處○三十四年覆准凡有分數錢糧接徵接催官員皆將已完分數扣除照現在未完分數處分○四十四年議准蘇州松江常州鎮江四府屬賦稅繁重州縣官本任經徵每年地丁漕項錢糧如於奏銷時完至九分以上者其接徵未完舊欠錢糧於年限滿後復參降級調用之例改為降級留任再限一年催徵如仍不完即

照所降之級調用。其督催各官亦照此例議處。  
○四十六年覆准江蘇賦繁州縣錢糧三載全  
完。此內雖有奉蠲之年。仍准即升。○五十四年  
覆准。

盛京旗人所種地畝應交米豆草。經徵督催各官  
徵米一石作銀一兩考成。如催徵之官一千兩  
以下。一年內通完者紀錄一次。一千兩以上三  
千兩以下。一年內通完者紀錄二次。三千兩以  
上。一年內通完者紀錄三次。督催官五千兩以  
下。一年內通完者紀錄一次。五千兩以上萬兩

以下一年內通完者紀錄二次。萬兩以上。一年  
內通完者紀錄三次。如催追不完。經催之官。欠  
一分者罰俸六月。二分者罰俸一年。三分者降  
俸一級。四分者降俸二級。五分者降職一級。六  
分者降職二級。七分者降職三級。八分者降職  
四級。皆戴罪催徵。完日開復。欠九分十分者革  
職。督催之官。欠一分者罰俸三月。二分者罰俸  
六月。三分者罰俸一年。四分者降俸一級。五分  
者降俸二級。六分者降職一級。七分者降職二  
級。八分者降職三級。九分者降職四級。皆戴罪

督催完日開復。欠十分者革職。○雍正七年覆准。凡地丁錢糧。若止准歲內通完者。給予議敘。則額數繁多之處。或難於歲內通完。以致不得邀議敘而資鼓勵。應將歲內全完議敘之例停止。若奏銷以前果能通完。概予議敘。儻有捏報全完。希圖議敘等弊。該督撫等即行查明指叅。交部議處。○十三年議准。地丁等項。一切年限承追錢糧。皆准扣除封印日期。造報考成。○乾隆三十年奏准。輸納錢糧小民。自封投櫃。照數填寫。給予印票為憑。如有紳衿及上司衙役。將

錢糧包攬等弊。該管官不行查出。罰俸一年。至  
州縣官有完糧之民。勒令不許填數。及不給印  
票者。將州縣官革職拏問。若司道府等官明知  
不報者革職。詳報督撫。不行題參者。將督撫降  
五級調用。今增為不知情者照不揭報者員例議處。○三十七年奏  
准各標目兵。有應輸之糧。抗不完納者。該州縣  
官即將未完錢糧數目開明。移會本管官弁。照  
數追完。移交州縣。如不實力催追完解。即照州  
縣催徵錢糧未完分數例議處。至上司書吏。有  
抗糧不納者。該州縣官一面詳報上司。一面嚴

行拘拏革役追比。如本官上司有阿庇袒護。並該州縣有瞻徇容隱等弊。均照徇庇例議處。○又奏准蘇松常鎮四府及各屬實係賦繁州縣錢糧一官經徵三年。每年俱係年清年款。於本省奏銷具題時全完者。議敘即升。不得以叅後續完之案。概行接算。三年內有遇奉蠲年分。即將是年扣除。俟次年補足併計。再請議敘。○又奏准各官屯照各所徵鹽糧棉花數目作為十分。今增為盛京戶部所屬官莊棉花莊五處。鹽莊三處又鹽丁九十多糧莊一百十八處。由戶部奏請盛京戶部。每年特差官兩員分管。今增為秋收時。

欽派大員會同盛京按年題報欠不及一分者罰俸

半年。欠一分者罰俸一年。欠二分者降一級留任。罰俸一年。欠三分者降二級調用。

盛京戶部侍郎有總管之責。亦照統管屯數作為十分。欠不及一分者罰俸三月。欠一分者罰俸六月。欠二分者罰俸一年。欠三分者降一級留任。罰俸一年。○五十九年奏准直隸旗租銀兩經徵州縣官照各省地丁錢糧例欠不及一分者停其升轉。罰俸一年。欠一分者降職一級。欠二分者降職二級。欠三分者降職三級。欠四分

者降職四級。以上俱令戴罪徵收。欠五分以上者革職。原欠不及一分。年限內不全完者降職一級。再限一年。如又不完。即降職二級。戴罪徵收。原欠一分。年限內不全完者降職二級。再限一年。如又不完。降二級調用。原欠二分。年限內不全完者降職三級。再限一年。如又不完。即降三級調用。原欠三分。年限內不全完者降職四級。再限一年。如又不完。即降四級調用。原欠四分。年限內不全完者降職五級。再限一年。如又不完。即降五級調用。其督催之院司道府直隸

廳州等官。初參欠不及一分者停其升轉罰俸半年。欠一分者罰俸一年。欠二分者降職一級。欠三分者降職二級。欠四分者降職三級以上。俱令戴罪督催。原欠不及一分年限內不全完者罰俸一年。如又不完降俸二級。原欠一分年限內不全完者降俸二級。如又不完降職二級。原欠二分年限內不全完者降職二級。如又不完降職三級。原欠三分年限內不全完者降職三級。如又不完降職四級。原欠四分年限內不全完者降職四級。如又不完降職五級以上。俱

停其升轉。戴罪督催至接徵之州縣。及督催各  
上司之接任官。如於二參三參限內到任。不計  
分數。限滿不完。州縣官降職二級。停其升轉。戴  
罪徵收。道府廳州降俸二級。停其升轉。戴罪督  
催。完日開復。至遇災歉之年。分別蠲緩帶徵。限  
滿不完。均按未完分數。一體查參。○又奏准。各  
省州縣衙。有彼縣民人置買此縣地畝者。名為  
寄莊。令經徵州縣。於每年開徵之始。將寄莊花  
戶。逐一查明。開造村莊戶名錢糧數目清冊。移  
交住居之州縣。代行催徵。如至奏銷未完。即將

代徵之員開叅議處。○又奏准各州縣經徵耗  
羨銀兩務與地丁正項隨同報解。若有未完照  
正項錢糧之例。按其未完分數。覈叅議處。○又  
奏准州縣官違例於上年豫徵錢糧該督撫查  
參照私派例。將州縣官革職拏問。司道府各官  
明知不報者。將司道府各官革職詳報督撫不  
行題參者。將督撫降五級調用。其豫徵錢糧即  
准作為次年正項錢糧。今增為上司不知情者  
照不揭報劣員例議處

○嘉慶二年題准浙江蕭山等縣牧地租錢作  
滿營孤寡養贍之需。照地丁正項錢糧例於次

年五月報銷。依限全完照例請敘。如有未完即按分數查叅。仍將未完錢文著落經徵之員賠繳。○四年奏准。州縣官經徵一應起運本年有分數錢糧不及三百兩者。毋庸議敘。其三百兩以上不及一萬兩於奏銷前全完者。紀錄一次。一萬兩以上全完者。紀錄二次。三萬兩以上全完者。紀錄三次。五萬兩以上全完者加一級。十萬兩以上全完者加二級。果能三載全完。毋論錢糧多寡。於每年照例議敘之外。再加一級。督催知府直隸州知州及經營錢糧道員。不及五

萬兩全完者紀錄一次。五萬兩以上全完者紀錄二次。十萬兩以上全完者紀錄三次。二十萬兩以上全完者加一級。督催布政使不及五十萬兩全完者紀錄一次。五十萬兩以上全完者紀錄二次。一百萬兩以上全完者加一級。又奏准積年挖欠錢糧之州縣官帶徵二年內全完不及一萬兩者紀錄二次。一萬兩以上者紀錄三次。二萬兩以上者不論俸滿即升。其知府直隸州知州經營錢糧道員帶徵全完不及二萬兩者紀錄一次。二萬兩以上者紀錄二次。四

萬兩以上者紀錄三次。六萬兩以上者不論俸滿即升。布政使帶徵全完。十萬兩以上者紀錄一次。二十萬兩以上者紀錄二次。三十萬兩以上者不論俸滿即升。如今改為一級○又奏准。經徵官在奏銷以後完解。上司所屬有一處在奏銷以後完解者。均不准議敘。○又奏准。凡挖欠在民錢糧革職降級官員。未經離任之先。如能將挖欠錢糧全完者。准其開復。仍留本任。如該督撫將離任官員題請留住之時。其員缺另擬有人而未經奉

旨者將原官仍准留任。如原缺所補之人已經奉旨將新任官令其赴任。原官准其留省另補。○五年奏准。參限內奉。

旨寬免錢糧分數者。限滿止照現在未完分數處分。

如二參限內寬免錢糧五分州縣官徵完四分限滿即照原欠一分限滿不全完例處分至

二參限內奉

旨分年帶徵錢糧。原參各員以欽奉

恩旨之日為始。另起二限催徵。如年限內完解不足所分之數。仍照例分別參處。○又奏准。凡徵追各項未完後。經分賠代賠。無徵追之責者。該徵

追官原議之案。悉照案犯被鄰境拏獲之例。按其叅限應得處分減等議處完結。○六年覆准直隸旗租銀兩。凡本年應徵旗租及每年帶徵分數未經全完。經徵州縣並督催之院司道府直隸廳州以及接徵接催各員初叅二叅處分均照地丁錢糧例辦理。今增為如能於奏銷前全完亦照地丁錢糧例遇災歉帶徵銀兩限滿不完。均按未完分數議一體查叅。○七年奏准錢糧未完各官赴部引見奉旨降革後嗣據接任官續報全完者仍准開復原官。

見奉

○九年議准。歷年帶徵舊欠正雜錢糧。經徵接徵各官。按其參限。照例覈辦。如每年完不足數。即將經徵各員。指名參處。係分數錢糧將州縣官降一級留任。督催不力之府州罰俸一年。係雜項錢糧將州縣官罰俸一年。督催不力之府州罰俸六月。○十一年奏准。衙役侵欺錢糧。該管官捏作民欠申報者。革職。該管知府不行詳查。遽為轉報者降一級調用。徇庇不參者降三級調用。○又奏准。嗣後錢糧未完各官。若欽奉恩旨於二參限內緩徵。或分年帶徵。其原參處分悉

照案犯被鄰境拏獲之例減等議結。仍於欽奉  
恩旨後另行起限催徵。如限滿不完照例分別叅處。  
○又奏准官員造報各項錢糧文冊遲延或限  
內卸事並違限不及一月及一月以上者均罰  
俸三月。違限二月以上者罰俸六月。違限三月  
以上者罰俸九月。違限四五月以上者罰俸一  
年。違限半年以上者降一級留任。違限一年以  
上者降二級留任。違限二年以上者降三級調  
用。其文冊遺漏重開數目舛錯或多開少造遺  
漏職名者俱罰俸三月。該管各官未經查出據

冊轉報罰俸一月。因舛錯以致遲延三月以上者。照遲延例議處。該管各官仍照據冊轉報例議處。未率轉者免議。如屢經駁飭遵照更正之案。皆由該員不能悉心覈對。以致稽遲。所有再次駁查。以致往返程途月日。概不准其扣除。仍按違限月日分別議處。至該管各上司亦不得故意駁飭。如違即照應結駁查例議處。○又奏准開報各項錢糧已未完年限職名文冊遲延。照造報各項錢糧文冊遲延例議處。○十二年諭戶部奏申定章程嚴催積欠一摺。據稱各省丁賦自

嘉慶元年起至十一年止除因災緩帶徵外仍有未完銀八百八十六萬一千八百餘兩誠恐不肖官吏有侵蝕虧挪情弊應將錢糧未完處分嚴定章程如有參限將滿例應降革者該督撫不得代為推卸擅請調署等語各省丁賦關繫度支經費國家生齒日繁費用倍增我朝取民有制從無加賦之事惟藉此每歲正供量入為出豈容稍有虧欠乃江南等省自嘉慶元年以來至十一年止尚有據報未完銀八百八十六萬餘兩朕屢念民依凡稍有災歉之區無不降旨施恩立予蠲緩現在戶部摺內尚有各省緩徵

帶徵銀三百八十六萬餘兩。不在此例。小民具有人  
心。於歲入正供。自當輸將踴躍。即間有拖欠。亦何至  
多至數百萬兩。總因地方官任意因循。徵催怠惰。甚  
或有侵挪虧蝕情弊。皆未可知。而上司護惜屬員。往  
往曲為地步。凡涉叅限將滿。俾接徵之員。另行開限。  
州縣特有此規避之法。又復何所儆畏。無怪乎各省  
積欠如此之多也。嗣後州縣遇有錢糧處分。叅限將  
滿。戶部隨時知照吏部。不准調署他處。如該上司違  
例調署者。將該上司一併叅處。督撫等務當豫飭所  
屬。各行激發天良。於應徵款項。按限催徵。不得任意

因循罔顧國計。○十七年奏准各直省經徵督催各員有未完處分。叅後續報全完者該督撫分別題咨扣減扣免開復於文內將收銀月日及造入何年季冊之處詳細聲明部中照數登記即予開復仍令該督撫於送部撥冊內註明收銀存庫月日兩相覈對如有舛錯遺漏將承辦衙門查取職名議處○又議定凡奏銷錢糧全憑冊結磨對必須隨各案一併送部如司道府州縣官員將冊結遲延不送或限內卸事並違限不及一月者均罰俸三月違限一月以上者罰

俸六月。二月以上者罰俸九月。三月以上者罰俸一年。四五月以上者降一級留任。六月以上者降二級調用。一年以上者革職。如司道府州縣官員將冊結申送督撫。而督撫遲延違限五  
月以下者亦照司道府州縣官員例處分。如違限六月以上者降二級留任。一年以上者降三級調用。造報錢糧冊籍遲延應由戶部隨案聲明按分數考裏者即照此例議處。如不作分數考裏者概照各項錢糧丈冊例辦理。○又議定府州縣官員造報奏銷錢糧冊內有數目舛錯遺漏者。將該府州縣官罰俸一年。督撫及轉報之司道各罰

俸六月。如督撫司道所造冊內。有數目舛錯遺漏者。亦各罰俸六月。○又奏准叅限內奉

旨豁免錢糧者。經徵官原叅現叅處分。概予查銷。○

十八年奏准。凡錢糧未完例應降革人員。於未奉部議之先。續報全完者。無論調缺選缺。俱准開復留任。毋庸送部引。

見。如續完在降革行文之後。經該督撫請將該員留任。係外省揀調之缺。文到在照限減半以內者。准其留任。在限外者。留省另補。係歸部銓選之缺。文到在二十日截缺以前者。准其留任。在截

缺以後者留省另補員缺歸選。○又議准續報全完題請開復之案經營衙門不列續完各官職名者罰俸六月。○又議准

盛京旗餘地畝經徵各官如於五月奏銷以後十月開徵以前續報全完者扣除免議至十月開徵以後再有續報全完雖於原叅內扣除仍取具遲延職名議處。二十一年奏准江蘇省蘇松常鎮所屬賦繁州縣並直省各州縣官經徵一應起運本年有分數錢糧除銀數不及三百兩全完者毋庸議敘其自三百兩以上未及一

萬兩。於奏銷前全完者。紀錄一次。一萬兩以上全完者。紀錄二次。二萬兩以上全完者。紀錄三次。三萬兩以上全完者。加一級。五萬兩以上全完者。加二級。八九十萬兩以上全完者。不論俸滿即升。督催之知府直隸州知州。及經營錢糧道員。各計所屬不及五萬兩全完者。紀錄二次。五萬兩以上全完者。紀錄三次。十萬兩以上全完者。加一級。二十萬兩以上全完者。加二級。如所屬州縣有一處於叅後全完者。即不准併計議敘。其衛所屯糧經徵之經歷等官全完者。照

州縣例議敘。督催之同知通判等官全完者。照

府州例議敘。○又議准署印官經徵錢糧全完。

按其一年二年三年四年六年九年。照例分別

議敘。○道光二年

諭。

戶部議駁安徽省官墊民欠銀兩不應援案。請豁一  
摺。各直省應行豁免款項。俱當定以案據年月限制。  
覈實稽查方免輾轉捏報之弊。此次安徽省奏報墊  
完民欠。從前並未奏明有案。若概予豁免。恐各省紛  
紛奏請。必致不肖州縣心存冀幸。任意侵挪。不可不  
防其漸。所有該省墊完民欠銀四十一萬餘兩。俱係

該撫孫爾準藩司陶澍未經到任以前之事。無所用其迴護。著該撫督同藩司覈實查明。分別立限嚴追。如經手各員。仍藉詞懸宕。即著據實查叅。以重庫項。

○三年

諭戶部奏直隸奏銷行查銀款逾限未覆請旨飭催一摺。直隸省地丁奏銷案內行查各款。自嘉慶十一年至十九年。共銀一千二百餘萬兩。卽經該部彙案奏催。該省並不上緊查辦。且自嘉慶二十年至二十五年。復有未結各款銀五百餘萬兩。實屬延玩。著蔣攸鈍即督率藩司迅速將各年地丁奏銷案內行查未

結各款銀數分析查明造冊登覆並將辦理遲延各職名送部覈議如有虧挪侵蝕及玩延不解情事立即嚴參懲辦毋稍迴護○五年

諭前據戶部奏各省節年未完地丁正耗銀兩請飭該督撫藩司勒限嚴催並飭將經徵督催復叅處分按限查叅一摺已依議行矣直省地丁錢糧若非災歉緩徵豈容任意拖欠乃自嘉慶二十二年普免民欠後又歷年積欠至三百八十餘萬之多總緣地方官經徵不力各上司不認真查催所致即因災緩帶徵錢糧亦節年積至八百四十九萬有奇國家經費攸

關。皆當依限徵完報撥。業經該部查奏飭令各督撫嚴飭藩司。迅即按年按限分別開具清單。先行送部查覈。並將該部承辦司員不按例查出行催者。定以參處。該督撫等自不容任聽所屬仍前延宕。本日又據奏各省道光五年完欠錢糧比較內。直隸福建江西安徽四省未完分數較上年復又加多。藩司總覈錢糧。如果認真嚴催。何至徵收日益短少。除直隸省催解四五兩年旗租多至十萬有奇。該藩司功過尚可相抵。加恩免其議處外。其福建江西安徽三省藩司。著查取職名交部於奏銷考成外。再行按照未完。

分數分別議處。廣西河南兩省奏報單內俱屬違式。  
並著查取該藩司職名交部議處。○七年

諭御史常恆昌奏請嚴禁外省官墊民欠及差墊未完  
銀錢積弊一摺。各省州縣經徵錢糧往往因規避處  
分。墊完民欠已易啟虧挪之漸。且有差役墊欠並非  
該花戶輸將不力。竟係書差為加倍取償地步致畸  
零小戶僻處編氓更滋苦累。著直省督撫將官墊名  
目差墊弊端一體永遠革除。如有仍蹈前轍以欠作  
完。挪移規避者責成該管上司嚴行查察有犯必懲。  
其差役墊欠敢向花戶苛索重利取償該管州縣不

即查明究辦。別經發覺。除將書役按律治罪外。仍將該管州縣從嚴議處。以重考成而恤民隱。○十年

諭盛京內外各城官兵隨缺地租。除自行耕種者毋庸議外。所有交旗民地方官招佃取租者。照依舊有餘地分別佃戶。係旗人責成界官承催。係民人責成民員承催。一律造報考成。咨送盛京戶部奉天府府尹查覈。十月份內通完者。照例議敘。如催追不完。附題參處。○二十六年奏准廣東官築屯田租項。由虎門同知專管催收。如有挖欠。照地丁錢糧例。按其分數分別議處。○二十七年奏准各省地丁奏銷。

該督撫照依倒定月分。於是月底具題。若督撫並未因公奏展。或司道府州縣先已違限。致有遲逾。即令據實開報。分別照例議處。○二十八年

論戶部奏請飭催積欠案內各省應解新舊銀兩。並報撥登記各款分別開單呈覽一摺。各省應解戶部查辦積欠案內銀兩。皆待用待撥要需。本應實貯在庫。與一切欠項尚待追繳者不同。乃應解不解。任意耽延。當此制用孔亟之時。各直省大吏宜如何趕緊催提。力籌國計。前經疊降諭旨。嚴飭迅解。並令立限歸

數通完。今據該部覈實奏聞。其中已經報解之款甚屬寥寥。似此積習因循。不知緩急。直以緊要帑項視為催欠具文。籌國疆臣。竟坐視耶。所有各省藩庫應解部庫及屬庫應解藩庫新舊積欠三百二十六萬八千八百兩零。制錢五千五十串零。著各該省督撫等督飭司道認真查催。應解部者。迅即委員領解。先將起解日期報部。應解司庫者。嚴檄催提咨部候撥。其積欠案內登記未經入撥之款。實與應解無異。各該省於春秋撥冊內。並不將前項彙入。以致該部無從指撥。此項為數更鉅。計積欠銀一千十四萬四千。

八百兩零制錢二千十六串零著各該督撫等一體  
清釐迅速報撥毋許再有遲延○又

諭戶部奏積欠案內各省未完地丁銀兩延未報完開  
單呈覽請旨飭催另片奏查歷屆恩詔豁免之數漸  
次加增並請隨時清釐各等語地丁為國家正供不  
容絲毫短絀茲據戶部查明各省未完地丁正耗自  
普免道光二十年前逋賦之後至今又積欠正徵緩  
徵銀二千三百九十萬餘兩之多似此年復一年各  
省大小官員幾將置錢穀於不問積習相沿伊於胡  
底且道光二十年前逋賦共免銀九百三十餘萬兩

民力不為不寬。乃地方官視為成例。積欠日多。完解日少。上次經戶部奏催之後。各省大半完納新欵。其舊款則任意延宕。冀得屆期豁免。是以國家蠲租免賦之恩藉。遂有司侵蝕虧挪之計。思之實堪痛恨。所有戶部單開各項。除本年報災之區。著該督撫體察情形。分別辦理。其餘有前項積欠省分。自道光二十一年以後。未完地丁正耗銀兩。務令勒限全完。緩徵之款。亦令遵照原展年限。隨同正徵完納。迅速報解。儻查有不知愧奮。或有以完作欠。情弊立即從重奏參嚴議。以為玩視度支者戒。並著各督撫責成藩司。

於該州縣每年應徵未完。及緩徵屆限各款。詳細覈查。毋得任聽各屬虛報欠數。有增無減。希冀蠲除。致滋流弊。二十九年奏准。一官經徵分數錢糧。能每  
年於奏銷前全完。應於照常議敘之外。量加優  
敘。如數在三百兩至二萬兩以上。係直省各州  
縣一官經徵三年。於奏銷前全完者。即准其加  
一級。係蘇松各屬賦繁州縣。一官經徵三年。於  
奏銷前全完者。即准其不論俸滿即升。其數在  
三萬兩以上。一官經徵三年。於奏銷前全完。及  
數在五萬兩以上。一官經徵兩年。於奏銷前全

完者亦俱准其不論俸滿即升。其數在三萬兩及五萬兩以上。係直省州縣一官經徵六年於奏銷前全完者。准該督撫奏請送部引。

見九年於奏銷前全完者。准其指定應升之階保奏。

免其送部引

見係蘇松常鎮各屬一官經徵四年於奏銷前全完者。准該督撫奏請送部引。

見六年於奏銷前全完者。准其指定應升之階保奏。  
免其送部引

見務令該督撫覈實咨部不得率以參後續完之案。

混行併計。其兩年三年四年六年九年之內。或遇蠲緩年分。並非十分全完。或本員適有差委離任事故。並非一官全完。即將是年扣除。俟續有一手徵完之年。准其前後接算。聲請議敘。若該員雖於本年經徵全完。而次年在任不能經徵全完者。止准給予照常議敘。不准再以前後接算。至前案曾經優敘。均不得牽混合計。○咸豐二年奏准直省布政使督催錢糧。合計所屬如上忙能完至三分。下忙能完至五分。免其議處。上忙完不及三分者罰俸一年。下忙完不及

五分者降一級留任。如上忙完不及三分。業經  
議處。下忙五分以上全完。統計已及八分將上忙議處  
之案查銷。毋庸議敘。上忙能完至三分以上者。  
給予紀錄二次。下忙完不及五分。統計不及八分即將  
上忙議敘之案查銷。再予以罰俸一年。如上忙  
議敘業已另案銷去。即將該員仍議以罰俸二  
年。上忙三分以上全完。給予紀錄二次。下忙又  
五分以上全完。再給予加一級。如上忙已完至  
五分。下忙又完三分以上。併計已及八分以上。  
仍給予下忙完至五分以上應得議敘。上忙下

忙八分俱已全完。其餘二分復能於奏銷前歸數全完。統計所屬錢糧不及五十萬兩者加一級。五十萬兩以上者加二級。一百萬兩以上者加三級。儻所屬州縣有一處不能於奏銷前全完者。即不准統計併邀議敘。○又奏准直省徵收新賦錢糧。督催之布政使既於上下兩忙分別已完未完。議敘議處。其舊欠帶徵由戶部於年終彙案比較。如欠數最多。即將該藩司參辦。儻能全完。仍隨案咨送吏部議敘。○八年奏准。地丁隨本奏銷等題。本內州縣未完處分。戶部

會同吏部覈議如該省續報全完銀兩咨請扣除免議應以送冊到部之日起限如咨文到在五十五日以內戶部轉行吏部扣除免議其咨文到在五十五日以外應由該督撫照例題請免議不得陸續咨請免議致誤題銷限期○九年

論戶部奏各省徵收上下忙錢糧請飭按限造報一摺國家經費以地丁為大宗乃各省於上下忙錢糧竟有因一二州縣未能徵收遂將全省錢糧數目概不報部更有於所屬州縣二參屬限時調署離任巧為

規避延不開叅以為見好屬員之計。殊屬膽玩著各督撫嚴飭該藩司將歷年未經造報者統限於明年二月以前詳細造冊送部覈辦其明歲上下忙錢糧除雲南貴州二省向係徵收全完後報部外其餘各省著於截止後上忙限十一月底下忙限次年五月底分析成數報部儻該州縣依限全完准其援照成案量予議敘如有不肖州縣藉詞延宕即從嚴叅劾儻敢瞻徇隱庇即著該部將該藩司及經徵不力州縣指名嚴叅以懲玩泄○同治元年

論鄭元善奏請嚴飭該管府州督催錢糧一摺近年河

南軍需浩繁。被擾之區。應完錢糧。又復疊經蠲緩。全賴完善地方。實力徵解。各該府州宜如何破除情面。嚴切督催。以期無誤。要需若一味因循諉卸。於所屬徵收事宜。漠不關心。毫無覺察。朝廷又安用此憤憤之臣為耶。此後該省州縣徵收錢糧。著嚴責該管府州認真督催。不時親赴所屬。將徵收紅簿串根徹底清查。如有情徵侵挪等弊。立予揭參。若該管府州徇私護庇。即行一併嚴參。現在各直省或防勦本境。或協濟鄰封。需餉甚殷。尤恃正賦無缺。方足以資周轉。各該府州恃無責成。即不免於所屬徵收。意存推諉。

嗣後各督撫於州縣經徵錢糧。均著責成該管府州實力督催。儻敢仍前疲玩致令所屬州縣有惰徵侵挪情事。即著一併從嚴叅辦。○十二年奏准直省州縣官經徵本年錢糧全完。經該督撫以催科勤奮。奏請給予虛銜頂戴奉

旨允准者。即欽遵辦理註冊。其有保奏官階者。仍應詳查戶部分別年分額數。如與例未符。即聲明請

旨以杜冒濫。○又奏准二叅限內遇有夏秋被災。查明未完課賦。實係應行請緩。而於限外奏到奉

旨者。經徵官原叅處分。仍准改照犯被鄰境拏獲之例減等議結。該督撫奏報遲延。仍照例議處。

又議准地丁錢糧限二月開徵。雲南貴州二省九月開徵

月完半。陝西四川二省六月完半。凡錢糧在一二兩以下准緩至八月全完五月

停恤八月接徵。福建七月接徵。山東河南二省暨安徽之廬鳳潁泗六七兩月聽民完納

十一月全完。雲南貴州二省次年三月全完○又議准

地丁奏銷直隸山東山西河南陝西甘肅限次

年四月奉天安徽浙江江西湖北湖南江南之

蘇州藩司限次年五月福建四川廣東廣西雲

南貴州江南之江甯藩司限次年六月山西之

大同朔平二府屬經徵米豆於次年年底奏銷  
如該督撫因公不能依限准其具題請展○又  
議准餘地租銀有餘地在彼州縣撥補而租銀  
應歸此州縣徵收者即令餘地坐落之州縣官  
代為催徵如該州縣官不行文代徵州縣催徵  
及有拖欠又不申報上司者即將拖欠租銀歸  
入此州縣正項錢糧內一併作為分數議處已  
行文已申報者免議○又議准官員署印不及  
一月者免議一月以上有經徵經催之分數錢  
糧未完照現任官例處分有接徵接催之分數

錢糧未完照接徵接催官例處分。若於署印卸事之後復來署印者。其未完錢糧係屬兩任。即各按其在任未完分數。分案議處。○光緒十一年

諭戶部奏正供錢糧缺額過多。釐剔官吏經徵積弊。又覈對民欠。請頒徵信冊。並擬章程冊式呈覽。及立蠲緩徵信冊各摺片。錢糧為國家正供。小民具有天良。無不爭先輸納。其偶有抗欠者。不過千百中之一二。全在封疆大吏督撫藩司糧道認真考覈。力杜官吏中飽之弊。上不虧短國課。下不朶削。

民生。戶部綜理度支。通權出入。自以清釐正賦為  
國用之大經。現據詳晰查明正雜各項賦稅。每年  
短徵在一千一百萬兩以外。推求其故。報荒不實。  
報災不確。捏完作欠。徵存不解。交代延宕。以上五  
弊。屢經該部陳奏通行。各直省錮習成風。因循怠  
玩。錢糧弊竇。愈積愈深。若不嚴申禁令。痛除宿弊。  
年復一年。伊於胡底。近年各省短徵之數。據奏以  
安徽及江蘇之江甯為最多。蘇州江西次之。河南  
又次之。其餘各省除四川全完外。均虧缺一二分  
不等。此次該部摺內既指出致弊之由。復縷陳除

弊之法。著各該督撫查照該部所籌辦法各節。嚴飭所屬。逐一整頓。實心實力。期在必行。用人物財為疆吏專責。果能政事修明。財用不患不足。儻以簿書為故事。視誥誠為具文。經徵錢糧。仍前弊混。該管上司相率徇庇。即著該部將該督撫藩司糧道指名嚴叅。決不姑容。其捏造民欠一節。蚩蚩愚氓。莫可控訴。允宜定一簡便之法。俾民間共知共實。則一紙文書。仍無實濟。著各直省督撫飭令該

管道府州分散徵信冊。必須設法確付鄉閭。毋令  
稍有隔閡。仍不時下鄉按冊抽查。總期與民相親。  
不憚煩瑣。庶窮檐百姓報上之忱纖悉必達。一切  
侵挪影射之弊。不難盡行革除。我朝政崇寬大。大  
兵大役從未加賦於民。自錢糧收不足數。不得已  
而榷貨抽釐。物價增昂。民用不裕。朝廷念切恫瘝。  
豈忍迫以追呼。致失愛民如傷之隱。現在清釐錢  
糧。專杜貪吏侵欺之弊。毫不擾累閭閻。儻有不肖  
州縣。巧立名目。藉端苛斂。或刁劣紳士。造言煽惑。  
包攬把持。均著執法嚴懲。以挽澆風而裕正課。但

得錢糧漸次足額釐金即可量減酌裁與民休息  
是為殷盼至每年因災蠲緩一經督撫奏到無不  
立沛恩施而所敘災區蠲緩各節前後套搭動輒  
牽混適開胥吏舞弊之端嗣後各省奏請蠲緩務  
將各屬銀米等項分縣開單俟降旨允准後即照  
單開數目刊刻謄黃徧行曉諭庶使識字農夫一  
覽瞭然應蠲應緩絲毫無混用副體恤民艱實事  
求是之至意